



Seljord kommune

Kultur og næring

Arkiv: U01
Saksnr.: 2019/1651-1
Sakshand.: Asbjørn Storrusten
Direkte tlf.: 350 65 155
Dato: 05.11.2019

Saksframlegg

Utval	Utvalssak	Møtedato
Formannskap/økonomiutval		21.11.2019

Kommunalt Næringsfond/Kraftfond – orientering

Saksdokument:

Vedlegg:

- 1 KRD Standardvedtakter kraftfond Rundskriv 2012
- 2 Vedtekter kommunalt næringsfond Seljord kommune av 2003
- 3 Næringsfond Kraftfond pr 6.nov. 2019

Saksutgreiing:

Det kommunale næringsfond/ kraftfond er dei årlege konsesjonsavgifter som blir innbetalt av Skagerak Kraft AS, Skien Kraftproduksjon AS, Grunnåi Kraftverk AS, Broerne 6 Aktieselskap, Midt-Telemark Energi AS og Skien Aktiemølle ASA.

Vedtekter for kommunalt næringsfond (kraftfond) i Seljord kommune er vedtatt i kommunestyret 28.8.2003 som sak 036/03. Disse bygger på standardvedtekter for bruk og forvaltning av kraftfond/ heimfallsfond gitt av KRD i Rundskriv H-17/98. Dette rundskrivet har departementet erstatta med Rundskriv H-1/11, med verknad frå 1. januar 2012.

Kommunen har tidlegare valt å ikkje oppdatere dei lokale vedtektene.

I Rundskriv H-1/11 KRD pkt 3. Standardvedtekter for bruk av kraftfond/ hjemfallsfond har definert i § 2 definert formålet slik slik;

Kraft-/hjemfalisfondet skal fortrinnsvis anvendes til næringsformål, som for eksempel bedriftsstøtte, tilrettelegging for næringsutvikling i regi av kommunen, stedsutvikling, ulike typer utviklingsarbeid med mer. Fondet kan også benyttes til kommunale investeringer i varige driftsmidler.

Fondsmidlene kan ikke nyttes til å dekke løpende drift av kommunen, bortsett fra renter og avdrag på investeringer som er gjort i tråd med fondets formål. Unntak er også avlønning av næringssjef

eller tilsvarende for å forvalte fondet. Det kan heller ikke gis støtte til bedrifter for å dekke avdrag og renter på lån eller løpende drift. Det bør ikke gis støtte til virksomhet som mottar betydelige overføringer over statsbudsjettet.

Kommunalt næringsfond/ kraftfond i Seljord

I desember 2018 var tildelinga på kr. 1 941 000,-. Summen på tidellinga blir regulert kvart 5. år , neste gong i desember 2019.

For 2019 er fondet disponert slik;

Avsett til tiltak;

- | | | |
|-------------------|---------------|-----------------|
| • Planarbeid | kr. 100.000,- | |
| • Landbrukstøtte | kr. 200.000,- | |
| • Løn næringssjef | kr. 415.000,- | |
| • Avdrag lån | kr. 212.000,- | = kr. 927.000,- |

Faste løyvingar:

- | | | |
|------------------------|---------------|-------------------------|
| • Møtestad Seljord AS | kr. 457.000,- | driftsavtale |
| • Løypekjøring/merking | kr 75.000,- | |
| • Telemarksvegen | kr. 30.000,- | |
| • Seljord Næringshage | kr 80.000,- | (fram til 31.juli 2019) |
| • VisitTelemark | kr 142.000,- | = kr. 784.000,- |

Fri midlar etter søknad;	= kr. 230.000,-
--------------------------	-----------------

Sum	= kr 1.941.000,-
-----	------------------

+ Ikkje disponerte midlar pr. 31.12.18	= kr. 232.000,-
--	-----------------

I 2019 er det gitt 5 stk. etableringstilskot på 25.000,- 40.000,-. 3 verksemder har fått utviklingstilskot på mellom kr. 12.000,- og kr. 40.000,- og Seljord Næringshage kr 50.000 i støtte for å drive næringsarbeid ut 2019, etter at avtala gjekk ut 31. juli.

Pr. 5. november er det omkring kr. 70.000,- igjen av dei frie midlane. Det verker som eit prosjekt med løyving i 2018 på kr 15.000,- ikkje blir gjennomført og midlane kan trekkast tilbake til fondet. Men ein breibandutbygging i Åmotsdal, med kommunal eigenandel på kr 20.000,- er ikkje finansiert over driftsbudsjettet.

Det kan og komme nokon rentemidlar i tillegg, samt mogleg auking av den årlege innbetalinga til fondet.

Fondet er tidlegare òg bruka til å støtte verksemder i omstilling som kommunal eigenandel ved søknadar til Telemark Næringsfond (TUF).

Fondets fleksibilitet har gjort at kommunen har eit moglegheit til å delta i og støtte store og mindre utviklingsprosjekt. Til tider har det vore kommunens einaste handlefridom til å drive samfunnsutvikling.

Tidlegare år er det finansiert ein del kommunale-/ samarbeidstiltak over næringsfond. Dette være seg satsing på Opplevingsvegen om Nutheim, støtte til prosjekt Vest-Telemark teknologipark, VandreTelemark og Sykkelprosjekt Kviteseid- Seljord mfl. Midlar frå fondet er og nytta som kommunens del i forskjellige forstudiar for å utreie moglegheiter tankar og idear for større utviklingsprosjekt.

Etableringstilskot

Det å starte eigen verksemd kan være eit sjansespel, mange gründerar opplever at inntektene ikkje kjem i tilstrekkeleg mengde frå dag ein. For arbeidslause finnast det ordningar for løn i startfasen, men for mange er det naudsynt å bruke mykje eigen startkapital.

Det å gje eit mindre etablerertilskot, i storleiken 15.- 40.000 har nok hjulpet mange gjennom verksemdas oppstartfase.

Administrasjonen meiner at denne starthjelpen har vore med på å hjelp mange verksemdar i å etablere seg.

Ettersom vi ikkje veit kven som blir den neste store gode verksemda i Seljord – den me absolutt bør kunne hjelpe over etablererkneika (blodbadet), er det bra at kommunen har noko risikovillig kapital.

Det er få av dei verksemdene som vi har støtta dei siste åra som er avvikla.

Kommunalt næringsfond/ regionale utviklingsmidlar.

Seljord kommune har sida 2011 blitt tildelt midlar til kommunalt næringsfond/ Regionale utviklingsmidlar (Kap 551.61) gjennom fylkeskommunen, dette var ein statleg ordning som skulle kompensere for auka arbeidsgjevaravgift. Midlane er ikkje lengre øyremarka så summen er sterkt redusert. Etter mange år med kr 188.000,- blei dei i 2019 redusert til kr 54.000,-.

Seljord kommune har i hovudsak nytta desse midlane etablering, støtte og kjøp av tenestar av Seljord Næringshage. Avtala med Næringshagen gjekk ut i juli 2019 og er ikkje vidareført. Det forventast ikkje regionale utviklingsmidlar (Kap 551.61) til kommunalt næringsfond framover, sjølv om vi kjem til å søke om det blir mogleg. Det er fleire nyttige prosjekt som kan/bør støttast.

Rådmannen si tilråding:

Rådmannen rår formannskapet gjere følgjande vedtak;

Formannskapet tek informasjonen om kommunale næringsfond til orientering.

Administrasjonen bes om å utarbeide nye vedtekter for kommunalt næringsfond/ kraftfond som er heilt i tråd med gjeldande forskrifter.